



Aqqalu C. Jerimiassen
Atassut

UPA 2026/141-1
06. maj 2026

Immap naqqani aatsitassarsiortoqannginnissaa siunertaralugu Naalakkersuisut

inatsisilioqqullugit Inatsisartut alajangiiffigisassaattut siunnersuut.

(Inatsisartunut ilaasorta, Pipaluk Lyng, Inuit Ataqatigiit)

Atassutip aatsitassarsiorneq tapersersorpaa, Atassutip nunarsuarmi atorfissaqartinneqartut qallorneqartariaqarnerannik suliaqarnissaq tapersersorpaa.

Atassut nunarsuarmioqataanermut akisussaaqataarusuppoq!

Atortorissaaruterpassuagut assigiinngitsut aatsitassarpassuarnik akoqarput, tassami piumasarineqartut annikilliarungillat nunarsuatsinni, minnerunngitsumillu nunatsinni. Maanimitaavami inersuarmi qassit iPhone 17 pro max-eqalereerpat, immaqa sulii qanorluunnii iPhone 15 pro max ajoquteqanngiivikkaluartoq atorluarsinnaaqisorlu.

Assersuutissaqqissut ilaa aatsitassanut naaggaartuiataannguaatigaluta nammineq nunarsuatta ilaani qallorneqarnikuusunik akuutissallit akuersaajutigalugit.

Immap naqqani aatsitassarsiornermik isuma immaqa toqqaannartumik tusartaanni assut ernumaammernarpalussinnaavoq, immaqalu piniakkanik aalisakkanillu annertuumik tatamisitsinnaanera ernumaginiarneqarsinnaalluni.

Kisiannili paasisariaqagarput aajuna, taamannak aatsitassarsiorniarluni suliaqarusunneq tassaasariaqarpa namminerminik pinngortitamik avatagiisinillu mingutsitsipilunneq tallimanillu talilinnik siunissami meeqqiulereerpeq?

Imaluunniit tassaaniarnerpa kiisami aatsitassarsiornikkut inuiaqatigiinni atugarissaarnitsigut annertuumik kivitsisinnaalluni ilusiliisoq?

Oqimaalutagassaqarpugut tassani annertuumik.

Soorunami Atassummiit tapersersorunnangilarput suna tamaat tutullugu, kanassulluunniit allaat umasinnaajunnaartillugit mingutsitsiutaa aatsitassarsiortoqassappat immap naqqani, taavalu assersuutigalugu qilalukkat ingerlaarfiini aalisakkallu allat suffiffigisagaanni aatsitassarsiortoqalissappat. Soorlumi Atassummiitt uranimut naaggaanngikkaluarluta inoqarfinnut qanippallaammik inissisimanissaa naaggaarparputtaaq, taamaatumillu kuannersuarni ammartoqarnissaanuttaa akerliunermut ataqinnilluinnarluta.



Ataguli inerteqqusiulersigata immitsinnullu aporfissanik sanaartuutilereersigata nunat itisuumi imartani aatsitassarsiornermik suliaqartuusut paasisassarsiorfigeqqaalaanngualaarallartigit ajutooreersutut inissereernagit, tamarmimmi Deepwater Horizon-itut piunnanngillat.

Eqqaamasassatta ilagivaat, nunat saniligut ilanngulluit tusarniaavigisariaqartussaavagut immap naqqani sumiluunniit aatsitassarsiornermik akuersissummik tunniussaqaarniartalissagutta. Suliaq oqittuinnaangereerpoq sakkortoqisumillu piumasaqaateqareerluni.

Silaannaap allanngoriartorneranut akisussaaqataaniarutta nunatsinni, aatsitassat qaqutigoortut atorfissaqartinneqartut pillugit uaguttaaq pilersueqataasinnaasariaqarnermik pukusummioqalaarsinnaasariaqarpugut, siunissami kinguaassagut eqqarsaatigalugit.

Taamaattuumik Atassummiit ima ittumik allannguutissamik saqqummiusaqarumavugut:

“Nunani immap naqqani aatsitassarsiornermik misilittagaqarfiusunut ilisimatuussutsikkut naqissusigaasunik toqqammavilinnik aallaveqartumik Naalakkersuisut aaliangersaasinnaalissasut, aaliangersaannginnermi nunat paasisassarsiorfigineqareersimassallutik sutigit iluaquteqarneranik qanorlu atorluarneqarsinnaaneranik siunertaqartumik”.

“Nunani immap naqqani aatsitassarsiornermik misilittagaqarfiusunut ilisimatuussutsikkut naqissusigaasunik toqqammavilinnik aallaveqartumik Naalakkersuisut aaliangersaasinnaalissasut, aaliangersaannginnermi nunat paasisassarsiorfigineqareersimassallutik sutigit iluaquteqarneranik qanorlu atorluarneqarsinnaaneranik siunertaqartumik”.

Taamatut Atassummiit oqaaseqarluta, siunnersuummi allannguutissatut siunnersuupput Inuussutissarsiornermut Aatsitassanullu ataatsimiitsitaliamut innersuupparput.